

[0565]

82. *bonke II*

*bonke II* 'fiskline fan it hoekwân'. Dat wurd wist ik earst gjin smiet op. It soe mooglik wêze kinne, sa bitocht ik letter, dat it to krijen hat mei flaemsk *bonke* 'tros' (nuten, kersen, kriken ensfh., dy't oan 'e beam hingje): 'eene *bonke* druiven, een *bonk* noten' (L.W. Schuermans, *Bijvoegsel aan het Algemeen Vlaamsch Idioticon*, Loven 1883, s. 45) of by L.-L. de Bo, *Westvlaamsch Idioticon*, Brugge 1873, s. 164: *bonke* 'tros of reesem noten, krieken, perziken, enz. behoorlijk als zij aan den bomtak hangen: 'Eene schoone *bonke* keerse. Die peren groeien al in *bonken*. Eene *bonke* braambezen. De Bo forwiist ús nei nijjing. *Bunch* 'hump, swelling; bundle; collection or cluster of similiar things'. Neffens it *WNT III*<sup>1</sup>, 359 is dat Ingelske wurd etymologysk gelyk oan nnl. *bonk*, nijfrysk *bonke* 'bien'. Wy soene dan krije.

*bonke II* = ânoarsk *bunki* 'shipsfracht', nnoarsk *bunke* 'heap, fracht', ndeensk *bunke* 'bult, heap', mns. *bonk* 'lading, fracht', nnl. *bonk* 'klompe', ning. *bunch* 'bult, bondel, bosk, rist, strûs, tros' en is yn wêzen itselde wurd as *bonke I* = âfrysk *bunka*, mnl. *bonke*, nnl. *bonk*, mnd. *bunke* 'Knochen', ôflaet fan 'e ydg. stamme \**bhengah-*, \**bhnggh-* 'tsjok, grou' (J. Pokorny, *Idg. etym. Wb.* 127 e.f.), dêr't ek gr. *παχύς* 'dik, ticht' sanskr. *bahú-* 'ticht, ryklik, in bulte' en ús *binge* (sj. boppe nû. 79) ûnder rekkene wurde. Dat sadwaende is *bonke II* in 'tros' (fan it hoekwân). Net ûnaerdich, woe 'k hawwe.